

Segunda Carta a los Corintios

Kjibokwo ëre tara Pablorë Corinto sopga kong

Kjibokwo ëre sorë

Domer shäng kjłara ko Pablo. E Sbö tjlökwö łaga Jesús äska wleniyo. Domer shäng kjłara obi ko Tito. E parkë shäng Sbö tjlökwö lë Pablo tjok. Pjłara ga öör jek shäng parkë Corinto kjokyo. E irgo ga to iröng Macedonia kjokyo, Pablo sök lishko. Eshko ga lłëbo owa shärye Jesús tjlökwö kragaga löng Corinto kjokyorë li roy łara ba kong pjire. Eni ga kjibokwo ëre tara Pablorë ba kong, lłëbo lłë lıgweya wlo.

Corinto kjokyo ga no kjone kjone tjwe tön Jesús tjlökwö kragaga li tjok, ga tjlë lok ga «Tja Sbö tjlökwö roy łaga Jesús äska» le, miga jyö erä. Epga opyono tjlwlo ara Pablo kjinmo, ga Pablo lıywara lok owa bakoe. Eni ga Jesús tjlökwö kragaga li jyäpgwara lok ara. E kjışhko ga kjibokwo ëre go ga lłëbo jyä tara Pablorë nopga eniyo li kjışhko. Jesús tjlökwö kragaga li poshduna, wlona wopjlü go, epga jek ba jyäpgwagaga owa li tjok lłëm wlo.

Dënashko ga Jesús tjlökwö kragaga löng eshko li kong dbur rokara Pablorë, Jesús tjlökwö kragaga löng Jerusalén kjokyo li kjimtoklo. Gueniyo ba jyäpgwagaga li tjlëno ga dbur li woyde Pablorë ba kong om go łara, miga jyö erä. Eni ga Pablo wotjlık jek eshko wop äe le, ga kjibokwo ëre go ga epga ichara dbur töng jek obi, söya jek Jerusalén kjokyo wlo.

1 ¹Kjibokwo ëre taga tja Pablorë, bi kjłara Timoteo tjok. Tja kjrara Sbörë beno ba tjlökwö roy łaga Cristo Jesús äska.

Sbö tjlökwö kragaga löng Corinto kjokyo, löng Acaya kjokyo, kjibokwo ëre ichërwa jek bomi kong.

²Rokërwa bi Data Sbö kong, bi Tjłapga Jesucristo kong ga ba wopjlü li kjışhko ga pjäy kjimte lok ara, pjäy ie ber löng wlëp bakoe.

Shji kjimte Sbörë, shji wosonkë lłëm wlo

³Sbö, bi Tjłapga Jesucristo Data li poshrëy ara. Shji songe łaga li e. Bi kjimtaga li e bakoe. ⁴Lłëbo wen borwa kong owashko ga tjawa kjimte, tjawa wosonkë lłëm wlo. Tjawa kjimtara eni kjışhko ga lłëbo wen oblë kong owashko ga kjimtërwa eni

bako, wosonkë Ìlëm wlo. ⁵Ìlëbo weno Cristo kong owa li wen borwa kong ara eni bakoe. Gueniyo tjawa kjimte ara bako, tjawa wosonkë Ìlëm wlo. ⁶Tjawa löng song ëreshko, pjây kjimtërwa ga pjîlú wlo, pjây dâr wlo. Ga tjawa kjimte Sbörë, tjawa wosonkë Ìlëm wlo. Eni ga pjây kjimtërwa ga pjîlú, pjây wosonkë Ìlëm wlo bakoe. Eni ga Ìlëbo wen bomi kong owashko ga kumi kjang ga pjîlúe. ⁷Miydërwa ga Ìlëbo weno borwa kong owa li weno bomi kong eni bakoe. Ga pjây kjimte Sbörë, tjawa kjimtara sorë ga eni. Eni ga miydërwa ga pjây ber löng wopjîlúe.

⁸Pjeyoga, woydërwa ga tjawa öör löng song Asia kjokyo sorë li miydëmi löng pjîlúe. Ìlëbo shäryaraba borwa kong owa ara anmoyö, kurwa mae. Tjawa wotjîlno ga tjawa dâr ber löng së ame lororwa. ⁹Tjawa zrökoba lororwa eni. Shäryono eni, tjawa opping mâr om go ame wlo, tjawa mâr ber löng Sbö go shara wlo. Shinmoga woshraga li e. ¹⁰Eshko ga tjawa zrökoba lërwa löngshko ga tjawa döra Sbörë. Eni ga tjawa beno löng mâr ba go. Miydërwa ga e ber borwa döga iyado. ¹¹Rokërwa bomi kong ga pjây syöshtë Sbö kong borwa kjishko, tjawa kjimtëmi wlo. Eni ga Sbö wopjîlú li kjishko ga tjawa kjimte, nopga ara syöshtono sorë li eni. Eshko ga nopga syöshtono ara li ber löng wopjîlú ba tjok, borwa kjishko.

Ìlëbo shärye Pablorë Ìlara li shäryara Ìlëme

¹²Miydërwa ga tjawa jëktong pjîlo bek nopga uunkong tjok, bomi tjok bakoe. Tjawa krë ara wopjîlú e kjishko. Tjawa kjimtara Sbörë, ga tjawa tjîlno bek iyado, Ìlëye jnenorwa ë kong Ìlëme. Tjawa mâr löng kjok miydë kjok ëre kjing go li go Ìlëm, tjawa mâr löng Sbö wopjîlú li go. ¹³⁻¹⁴Kjibokwo tërwa bomi kong wëlë, Ìlë loklo miydëmi pjîlú wlo. Eerishko ga tjawa sorë miydëmi sira erä, gueniyo woydërwa ga Ìlono ga tjawa sorë miydëmi pjire. Eni ga Tjlapga Jesucristo tjeve iröng obishko ga pjây krë borwa kjishko ga pjîlú, tjawa krë bomi kjishko sorë ga eni.

¹⁵Miydër ga pjây löng wopjîlú bor tjok lër. E kjishko ga tja jek äär bomi ik pjîloglo pjök loror, pjây ber wopjîlú wlo. ¹⁶Tja jek Macedonia kjokyoshko ga pjây ïn äär loror. Ga tja tek iröngshko ga pjây ïn obi loror. E irgo ga tja wotjîlno ga tja kjimtëmi jek Judea kjokyo wlo bakoe loror. ¹⁷Gueniyo shäryoror eni Ìlëme. ¿Eni ga pjây wotjîlik ga shäryër eni lororshko ga woyotjîlinor yötso Ìlëme lëmire? Nopga kjok ëre so, «Tja Ìlëbo shäryë» le oblë kong, gueniyo wotjîlik ba pjîlúshko ga shärye eni Ìlëme. ¿Pjây wotjîlik ga tja eni lëmire? ¹⁸⁻¹⁹Ìlëye Ìlara Sbörë li shärye eni iyado. Miydëmi ga e jlöe. Ga tjawa omshäryë eni bakoe. Era jlö eni bakoe. Tja, Silvano, Timoteo, Sbö Wa Jesucristo li roy lororwa bomi kong, ga era, Ìlëye Ìlara li shärye eni iyado. E kjishko ga «Shäryërwa» lororwashko ga shäryërwa eni. ²⁰Ìlëbo Ìlara Sbörë bi kong jlökoyo kës li beno shäryaga Cristorë. E kjishko ga shji tönshko ga «Ìlëbo Ìlara li shäryara eni» lëy, Sbö poshrëy wlo. ²¹Shji tönno beno tjeng Cristo tjok, ga rayëy Ìlëm li, e Ìaga Sbörë. Shji iara beno tjeng dboy ba kong. ²²Ba Sëya ichara bi go, ber kësbang bi tjok wlo. Shji jyä tara eni, shji baïya li miydëy e go wlo. Ga miydëy e go ga Ìlono ga Ìlëbo pjîlú twe bi kong Ìlara kës li twe bi kong eni bakoe.

²³Tja jek bomi shwoy Corinto kjokyo loror. Gueniyo tja to jek Ìlëm, pjây wlon ara anmoyö Ìlëm wlo. Miyde Sbörë pjir ga eni. Rokër ba kong

ga llëbo lër li eni llëm ga tja shdüya. ²⁴Pjây mär Cristo go sorë li läga tjawarë, e lörwarë llëme. Miydërwa ga pjây mär löng ba go jïökoyo. Tjawa bomi kjimtaga erö, pjây löng wopjïú wlo.

2 ¹Miydoror ga pjây in öör kjwe ga pjây ioror beno löng woydëe. Ga shäryër bomi kong eni ame löror. Tja jek bomi shwoy llëm e kjishko. ²Pjây ioror beno woydë kjwe ga tja iaga ërë ber shäng wopjïú obi? Pjây ioror beno tjeng woydë li eröe. ³Pjây in jek äärshko ga woydër ga tja iëmi ber shäng wopjïúe. Eshko ga miydër ga pjây löng wopjïú bor wopjïú li kjishko bakoe. Gueniyo pjây in äär ga tja iëmi woydë li woydoror eni llëme. Kjibokwo toror bomi kong eni e kjishko. ⁴Miydoror pjïú ga kjibokwo li lëmishko ga pjây ber löng woydëe. E kjishko ga tërshko ga tja woydë, tja wosong, tja slär ëë bako, pjây iër ber löng woydë li woydoror llëm kjishko. Gueniyo toror eni, pjây woydër ara li miydëmi e go wlo.

Ëye llëbo owa shäryono bi kong ga woyde ga owa li iëy ber tjwïö llëme

⁵No shäng kjïlara, tja iara woydë sira. Gueniyo pjây uunkong iara woydë sira bakoe. «Sira» lër, ber ba kong kjang anmoyö llëm wlo. ⁶Pjây ara omshduno. Erö ga bue, shdüy ame. ⁷Eerishko ga owa shäryara li iozi ber tjwïö ame, woyojezia. Eni ga ber shäng woydë ara anmoyö, llëbo owa shäryara li kjishko llëme. ⁸Rokër bomi kong ga woydëmi ara li pizi ba kong obi.

⁹Kjibokwo toror bomi kong eni, pjây tjïin wlo, tja kolëmi äär jong ba dbo gore miydër wlo. ¹⁰Ëye llëbo owa shäryono ga owa li ioromi beno tjwïö llëmshko ga bor kong ga beno eni bakoe. Ga inor ga llëbo li owa jïökoyo, ga ioror beno tjwïö llëmshko ga shäryoror Cristo bokso bomi kjishko, ¹¹shji jyäpgwe Ärë llëm wlo. Llëbo owa shärye woydë bi tjok li miydëy tjän.

Cristo tjïökwo roy pjïú lagaga

¹²Tja jek öötong shäng Troas kjokyo, Cristo roy pjïú lëshko ga nopga löng eshko li iara Tjïapga Jesüsdë tjïökwo li kuk woydë ara. ¹³Eni ëmdë ga tja shäng wïëp llëm, bor kjïlara Tito shäng eshko llëm kjishko. E kjishko ga epga rayoror beno löng eshko, ga tja to jek Macedonia kjokyo ba wïëk shara.

¹⁴Ëngkjwaga kägäyo, ba moskwoga zana pjirshko ga ba ëngkjwagaga li töya uunkong, ga söya jek ba irgo, oblë zana li shrëya lok wlo. Shjira söya Cristorë kjone pogo, ba tjïökwo roy pjïú lë oba kong, llëbo owa li zäy pjir wlo wleni. Ba tjïökwo roy pjïú li, e Sbö kong llëbo lö pjïëblë wleni. Tja wopjïú Sbö tjok e kjishko. ¹⁵Llëbo lö pjïëblë sukoba Sbö kongshko ga ba lö li dbo ara. Tjïökwo roy pjïú li lëy oba kongshko ga shdär kjone pogo, llëbo lö dbo ara wleni. Sbö kong ga shji llëbo lö pjïëblë wleni. Ga nopga där wlo li, nopga pjir wlo li, lö ëre kuya lok wëëe. ¹⁶Nopga pjir wlo löng li kong ga lö owa wleni, e ba zrökklo kjishko. Nopga där wlo löng li kong ga lö pjïëblë wleni, e ba dökklo ber löng së wlo kjishko. Ëye dbo ara, kjok miydë ara, pak ëre shäryë pjïú wlo llëme. ¹⁷Nopga ara to löng tjïökwo li lë, dbur shak e go wlo. Tjawa

omshäryë eni llëme. Tjawa Cristo parkaga kjishko ga tjawa ichara Sbörë pak ëre shäryë Cristo dbo go, ga tjawa iya sök iyado. E kjishko ga tjawa tjlä beke.

Tjläkwo twara Sbörë tjaqlän, beno iyado wlo

3 ¹Tjawa tjlä eni, tjawa krë e go wlo llëme. No kjone kjone to löng tjläkwo roy lëshko ga kjibokwo söya tjeng ba tjok, jyä tara oblërë ba kong, ga äär kjone pogoshko ga pïya nopga kong, epga parkë pjläue miyde lok e go wlo. ¿Woydëmi ga kjibokwo eniyo pinwa bomi kongdo? ¿Pjäy wotjläk ga woydërwa ga kjibokwo eniyo twëmi borwa kong lëmiro? ²Eni llëme. Pjäy om go beno borwa kong, so kjibokwo eniyo kjoyoe. Eye tjawa parkë sorë li miydë woydë ga pjäy jëk löng sorë li iga wëllë. Ga pjäy woyotjlänwa iyado. ³Eye kjibokwo të woydë ga jyä te ba shtikklo go kjibokwo go, llëm ga jyä te ak kjwangyo go. Pjäy kjimtara Cristorë ara borwa kjishko li miydëba wlo ga pjäy iara beno so kjibokwo eniyo kjoyoe. Gueniyo jyä li tara ba shtikklo go llëm, tara ak kjwangyo go llëm bakoe. Pjäy kjlöpswara Sbö Sök Iyado Sëya lirë beno oblë, pjäy kjimtara li miydëba e go wlo. Jyä tara wleni lërwa li e.

⁴Lërwa eni Sbö bokso ga pjlä, tjawa mär löng Cristo go kjishko. ⁵Pak ëre shäryërwa tjararë om go ga äe. Klok miydë twaga Sbörë borwa kong kjishko ga shäryërwa ga pjläue. ⁶Tjawa iara Sbörë beno löng tjläkwo twara tjaqlän, beno iyado wlo li laga ba Sëya go, klok llgwekklo go llëm, ga tjawa iara beno löng ba shäryë pjläue. Klok llgwekklo li, shji shdüya, shji ber löng zrökko wlo. Gueniyo Sbö Sëyara, shji ie ber löng së iyado.

⁷Klok llgwekklo tara Sbörë ak kjwangyo go li, shji shdüya, shji ber löng zrökko wlo erä. Eni ëmdë ga twara Moisés kongshko ga Moisés bokkwo kalä dbo ara, ga ba bokkwo li iya Israel tjëyogarë ga äe. E irgo ga kalä dbo ara li jenoe. ⁸Gueniyo tjläkwo lara jläkoyo tjaqlän ba Sëya go li, era tjwlo ara anmoyö. ⁹Lëbo, shji shdüya, shji ber löng zrökko wlo li, e tjwlo ara. Gueniyo llëbo, shji ie ber pjlo bek Sbö bokso wlo li, era tjwlo ara anmoyö. ¹⁰Ga llëbo oblë äär tjwlo ara eni llëme. Eni ga tjwlo ara anmoyö kjishko ga llëbo tjwlo ara dënashko li beno tjwlo llëm wleni. ¹¹Lëbo twara dënashko li tjwlo ara, e pjir wlo gueniyo. Eni ga llëbo twara pjir llëm wlo li, era tjwlo ara anmoyö.

¹²Tjläkwo tjaqlän li kjishko ga lërwa ga llëye bangkjrërwa llëme. ¹³Dënashko ga Moisés tjlä Israel tjëyoga kongshko ga bokkwo kjinyë shwong go, ba bokkwo kalä dbo ara jer jek li iya lok llëm wlo. Tjawa omshäryë eni llëme. ¹⁴Dënashko ga epga iara Sbörë beno löng klok llgwekklo li kuk woydë llëme. Eerishko ga llë loklo miyde lok llëm obi, löng bokkwo kjingak pjir wleni. Ga ber lön bokkwo kjingoklo li kjak llëm wleni obi, kjaga Cristorë erö kjishko. ¹⁵Eerishko ga klok llgwekklo li lëba ba kongshko ga löng bokkwo kjingak pjir wleni obi, woyotjläya lok yötso ga äe. ¹⁶Gueniyo eye mär Tjlapga Jesús go ga bokkwo kjingak pjir wleni li, e där ber iga wëllë wleni shara. ¹⁷Tjlapga li, Sbö Sëya, e kjälasoe. Sbö

Sëya, e bi döga. ¹⁸Eni ga shji beno löng bokkwo kjingak wleni ame. Ga dbar kjwobi go ga shji kjlopswe Tjlapga Sëyarë shäng, shji jëk ber löng Tjlapga Jesús i dik wlo. Eni ga shji ikoba ga Tjlapga li sorë, e miydëba bi go.

Tjawa tjwlo ara llem, tjlokwo lira tjwlo ara

4 ¹Tjawa kjimtara Sbörë ara kjishko ga pak ëre twara borwa kong, shäryërwa wlo. E kjishko ga tjawa wosonkë llem. ²Lëye owa shäryak lütshko, lökyo buk wleniyo li shäryërwa llem. Eye jyäpgwërwa llem, Sbö tjlokwo roy lërwa bek, kukoba wëlle wlo erä. Shäryërwa löng eni, tjawa ikobashko ga lëbo owa shäryororwa lëba Sbö kong ga ä wlo. ³Tjlokwo roy pjlu li lërwa löng li ber ë kong wëlle llem wleni ga epga löng pjir wlo kjishko. ⁴Cristo, e so Sbö kjoyo, e dbo kälä ara bakoe. E sorë miydëy ba roy pjlu li go. Eni ga ba roy pjlu li, e iök shjiy pjang kjok ro si roy wleni. Gueniyo nopga pjir wlo li bokkwo kjingara kjok ëre so sbö lirë, Cristo roy pjlu li kuya lok wëlle llem wlo. ⁵Tjawa om go li roy lorwarë llem. Jesucristo, e nopga uunkong Tjlapga lërwa bomi kong. Tjawa löng parkë bomi kong ba kjishko erä. ⁶Kjok shäryara Sbörëshko ga iök ichara wen shjiy kjok ro si roshko. Ga iök ichara wen shjiy bi pjluhko eni wleni bako, Sbö dbo kälä ara li sorë miydëy Cristo go wlo.

⁷Klung sbi buk kwara tjwlo ara llem, roshko lëbo tjwlo ara. Tjawa so e kjoyoe. Tjawa tjwlo ara llem, tjlokwo twara Sbörë borwa kong lërwa wlo li, era tjwlo ara. Lëye shäryërwa löng borwa dbo om go li go llem, shäryërwa dbo twe Sbörë borwa kong li go erä. ⁸Lëbo wen borwa kong owa ara, gueniyo tjawa to ber löng e tjok lorwarë llem. Lëye shäryërwa miydërwa llem, gueniyo tjawa wosonkë llem. ⁹Tjawa wloyoga ara, gueniyo tjawa yorkaga tjok. Tjawa shdungoba ara, gueniyo tjawa pjikoba llem. ¹⁰⁻¹¹Dbar kjwobi go ga tjawa opyë ber zrökoba wlo, Jesús i dik, miydëba e go wlo ga borwa kjimtaga ber löng së wlo li e. ¹²Tjawa zrökoba woydëshko ga tjawa parkë, pjäy ber löng së iyado wlo.

¹³Sbö tjlokwo tak pjang eni: «Tja mär Sbö go kjishko ga tja tjläno.» Ga tjlokwo lërwa, tjawa mär ba go kjishko eni bakoe. ¹⁴Miydërwa ga Tjlapga Jesús woshrra Sbörë iröng obi. Ga llono ga tjawa woshre iröng obi bomi tjok eni bakoe. Eshko ga shji uunkong söya äär ber löng ba tjok. ¹⁵Lëbo uunkong ëre shäryë, ber pjlu bomi kong wlo, Sbö wopjlu li kjishko ga nopga kjimte jek këgong këgong wlo bakoe. Eni ga epga ber löng wopjlu Sbö tjok, ga Sbö ie lok ber kësbang, tjwlo ara bakoe.

¹⁶E kjishko ga tjawa wosonkë llem. Dbar kjwobi go ga borwa doyo ëre dbo lon sira sira, gueniyo borwa wotjik lira dbokjrë jek këgong këgong. ¹⁷Lëbo wen borwa kong owa eerishko li pjir. Borwa kong ga e kjang llem, tjwlo ara llem bakoe. Llono ga lëbo tjeng kës ëre kjishko ga tjawa kong lëbo twe Sbörë. Era pjir llem, ga tjwlo ara, lëbo wen borwa kong eerishko li kjinmo anmoyö.

¹⁸ Ìlëbo ïgöy wěłë Ìi pjiir, gueniyo Ìlëbo ïgöy Ìlëm Ìira pjiir Ìlëme. E kjiřshko ga Ìlëbo ïgöy wěłë Ìi woyotjiřnwa Ìlëm, Ìlëbo ïgöy Ìlëm Ìi woyotjiřnwarë döe.

Bi doyo tjağlën

5 ¹ Bi doyo ëre so ukwang kjoyo, e ber ïyado wlo Ìlëm kjiřshko. Shji wolonoshko ga āska doyo twe Sbörë bi kong oblë kjok dogo. Era pjiir Ìlëm, shāryaga norë Ìlëm bakoe. ² Shji lõng së obishko ga woydëy ga bi doyo tjağlën Ìi twe bi kong jekdo. ³ Doyo tjağlën Ìi twe bi kongshko ga shji doyo tjok, shji ber lõng shwong dret wleni Ìlëme. ⁴ Shji lõng bi doyo ëre go obishko ga shji lõng song ïyado. Gueniyo bi doyo pjiir wleniyo ëre rayëy woydë dö Ìlëm, āska woydëy oblë, pjiir Ìlëm wleniyo. ⁵ Shji poshāryara Sbörë, doyo tjağlën ber bi kong pjlú wlo. Ga ba Sëya twara bi kong. Miydëy e go ga Ìlono ga bi doyo tjağlën Ìi twe bi kong eni bakoe.

⁶ Miydëy pjlú e go ga Ìlono ga shji āar ber lõng Tjlapga Jesús tjok kjok dogo, shji lõng bi doyo ëre go obishko ga shji āatë lõng ba tjok eshko Ìlëm obi gueniyo. ⁷ Shji mār lõng ba go, Ìlëbo ïgöy wěłë Ìi go Ìlëme. ⁸ Shji lõng wopjlú ba koshë. Shji wolon, shji to ber lõng ba tjok ïyado wlo dey. ⁹ Gueniyo shji lõng së obire, de shji wolonde, shji drön ara, Ìlëbo woyde Tjlapga Ìirë shāryëy wlo Ìi, e shāryë, e ber shāng wopjlú bi tjok wlo. ¹⁰ Ìlono ga shji uunkong roke Cristorë āar lõng ba zlong bāng, ga shji jëktong kjok ëre kjing go sorë Ìi Ìlgweya. Eshko ga shji kjlara kjlara potjwłëya, Ìlëbo shāryoroy pjlúre, de oware Ìi kjiřshko.

Shji iara Sbörë beno lõng włëp ba tjok

¹¹ E kjiřshko ga Tjlapga Jesús bangkjrërwa ara. Eni kuzong ga tjawa parkë ara, ba tjłokwo kjrëba wlo. Tjawa sorë miyde Sbörë pjlúe. Woydërwa ga tjawa sorë miydëmi bakoe. ¹² Ìërwa bomi kong eni jek obi, pjāy ber lõng wopjlú borwa tjok wlo Ìlëme. Ìërwa bomi kong, tjawa ļāywe nopga krë ā wleniyo Ìirë owashko ga dboryëmi ga pjlú wlo. Epga krë ara, Ìlëbo ïgöy wěłë Ìi kjiřshko, gueniyo wotjłik łok owa ba pjlúshko.

¹³ Pjāy wotjłik ga tjawa skwë wleni Ìemi ga e Sbö kjiřshko. Pjāy wotjłik ga tjawa wotjłik pjlúe Ìemi ga e bomi kjiřshko. ¹⁴ Tjawa parkë eni kjluwe, miydërwa ga shji woydara Cristorë ara kjiřshko. Miydërwa ga e wolono nopga uunkong kjiřshko. Eni ga nopga uunkong Ìi wolono ba tjok wleni. ¹⁵ E wolono nopga uunkong kjiřshko, ëye lõng së ga Ìlëbo shārye Cristo kong wlo, Ìlëbo shārye ba kong om go wlo Ìlëme. E wolono ba kjiřshko, ga woshrra Sbörë iröng obi.

¹⁶ E kjiřshko ga tjawa oblë woyotjłik, nopga Sbö miydë Ìlëm wleniyo omwoyotjłik dik Ìlëme. Dënashko ga Cristo woyotjłinorwa baıya dik. Eerishko ga woyotjłinwa eni ame. ¹⁷ E kjiřshko ga ëye tōno beno tjeng Cristo tjok ga kjłopswara Sbörë beno lõng tjağlën wleni. Wotjłik lõng dënashko sorë Ìi, e pjitonge. Beno lõng wotjłik oblë shara. ¹⁸ Ìlëbo uunkong ëre shāryaga Sbörë. Shji iara beno lõng włëp ba tjok Cristo kjiřshko, ga tjawa ichara beno lõng ba roy shdök oblë kong, tjłokwo kjre łok wlo, ber lõng włëp ba tjok bako wlo. ¹⁹ Cristo ichara Sbörë wolon, owa pjang nopga Sbö miydë Ìlëm wleniyo go Ìi ļōya ber dret wlo, epga ber lõng włëp Sbö tjok

wlo. Ga tjawa iara beno löng tjlokwo ëre roy shdöga ²⁰Cristo äska. Tjlokwo lërwa ë kongshko ga läga Sbörë om go wleni. Eni ga rokërwa bomi kong Cristo ko go ga pjây ber löng wlep Sbö tjok. ²¹Cristo lëbo owa shäryono lëme. Gueniyo ichara Sbörë wolon, owa shäryoroy li potjwlek e go wlo, shji ie ber pjlo bek ba bokso wlo.

6 ¹Tjawa parkë löng Sbö kong kuzong ga rokërwa bomi kong ga pjây kjimtara Sbörë ba wopjlü kjishko li iëmi ber tjwlo lëm wleni lëme. ²Sbö tjlokwo tak pjang li goshko ga Sbö tjläno eni:

«Bomi kjimtozlöng dbaryo li öötongshko ga
pjây kuror.

Bomi dözlöng dbaryo li öötongshko ga
pjây kjimtoror.»

¡Bi kjimtozlöng dbaryo le li eeri! ¡Bi dözlöng dbaryo le li eeri bakoe!

Lëbo weno Pablo kong owa ara

³Lëbo shäryërwa kës li shäryërwa, ikoba ga pjlu wlo, tjlokwo lërwa löng li owa lëba lëm wlo, tjawa parkë Sbö kong li owa lëba lëm wlo bakoe. ⁴Tjawa drön parkë pjlu Sbö kong, tjawa ikoba ga pjlu wlo. Lëbo wen borwa kong owa ara ga kurwa kjingë. ⁵Olö ga tjawa shpokoba, tjawa ichëba ber löng kjërshko, oba ara iirkë borwa kong, tjawa zrökoba woydë bakoe. Tjawa parkë kjang, tjawa pë lëm, tjawa pjli kuk ara bakoe. ⁶E wopro ga lëbo owa shäryërwa lëm, tjlokwo lërwa löng li lë loklo miyderwa pjlu, tjawa iirkë mailing lëm, tjawa wopjlü oblë tjok iyado, tjawa go Sbö Sëya, oblë woyderwa ara jlökoyo, ⁷tjawa tjlä bek, tjawa kong dbo twe Sbörë, tjawa jëk löng pjlo bek iyado, tjawa opwlikë bakoe. ⁸Olö ga tjawa bangkjërëba, olö ga tjawa bangkjërëba lëme. Tjawa läywëba pjlu, tjawa läywëba owa bakoe. Tjlokwo bek lororwa ëmdë ga tjawa jyö äe lëba. ⁹Tjawa miydeba löng pjlu ëmdë ga tjawa ë lëba. Tjawa wolon to wleni ëmdë ga tjawa löng së obi. Tjawa shpokoba ara ëmdë ga tjawa zröydeba lëm obi. ¹⁰Tjawa löng song kjoyo ëmdë ga tjawa löng wopjlue. Tjawa lëye lëm ëmdë ga oblë kjimterwa ara, tjlokwo lërwa löng li go. Tjawa lëye lëm kjoyo ëmdë ga lëbo tjwlo ara tjeng kës li tjeng borwa tjok.

¹¹Pjeyoga Corinto so, tjawa tjläno bomi kong jlökoyo. Pjây woyderwa ara. ¹²Pjây woyderwa pjlu iyado, gueniyo tjawa woydëmi löng lëm wleni. ¹³Pjây woydororwa ara kuzong ga tjawa kar woydozi eni bakoe. Tja tjlä shäng bomi tjok, pjây bor wappa wleni.

Shji jëk Sbö tjlokwo kragaga lëm wleniyo tjok lëme

¹⁴Shji jëk Sbö tjlokwo kragaga lëm wleniyo tjok lëme. ¿Lëbo pjlu shäryaga, lëbo owa shäryaga, e jëk ëng tjok pjlu sorë? ¿No jëk kjok shjiy roy, no jëk kjok ro si roy, e jëk ëng tjok sorë? ¹⁵¿Cristo, Ä, e wotjlik kjrinaso sorë? ¿Sbö tjlokwo kragaga, Sbö tjlokwo kragaga lëm, e jëk ëng tjok pjlu sorë? ¹⁶Sbö, sböpga jyäglo, e poshrëkoba shtoyo kjrinaso ga äe. Shji Sbö Sök İyado li u wleni. Sbö tjlokwo tak pjang li goshko ga Sbö tjläno eni:

«Tja ber shäng ba tjok,
ga tja jëk shäng ba tjok bakoe.
Tja ber ba Sbö,
ga epga ber bor nopga bakoe.»

17 «“E kjishko ga pjäy ber löng ba tjok ame,
pjäy opkjos löng dboshko dey.
Llëbo porwako llëm wleniyo porwëmi llëm,
enira pjäy wlokrër” le Tjlapga Sbörë eni.»

18 «Tjlapga, llëye shärye woydë li shärye ga pjläue. E tjlä ga
“Tja ber bomi data,
ga pjäy ber bor wapga” le.»

7 1Pjeyoga, tjökwö ëre iara Sbörë beno bi kong. E kjishko ga llëbo
owa shäryëy löng kës li rayëy pjire. Llëbo owa shäryëy bi doyo go
ame, shji wotjlik owa ame bakoe. Sbö bangkjërëy ara kjishko ga woyde ga
shji jëk löng pjlo bek jölkoyo.

Pablo wopjlä, Sbö tjökwö kjrägaga löng Corinto kjokyo li kjishko

2Tjawa woydozia. Tjawa wotjläno owa ë kong llëm, llëbo owa shäryororwa ë
kong llëm, ëye jyäpwwororwa llëm bakoe. 3Lër bomi kong eni, bomi wlongglo
wlo llëme. Tjawa löng sère, de tjawa wolonore, pjäy woyotjlänwä iyado, e loror
bomi kong pjir tjän. 4Tja tjlä bomi kong jölkoyo. Tja wopjlä bomi tjok. Tja
dbokjrë ara bomi kjishko. Tjawa löng song ëmdë ga tja shäng wopjlä anmoyö.

5Tjawa shrono löng Macedonia kjokyo ga tjawa woshtono llëm, llëbo weno
borwa kong owa ara kjishko. Llëbo shäryara borwa wloyogarë borwa kong owa,
tjawa woydono ara borwa pjläushko bakoe. 6Gueniyo shji löng wosongshko ga
shji kong dbo twe Sbörë. Ga tjawa kjimtara eni, Tito ichara borwa shwoy, tjawa
ber löng wosong ame wlo. 7Shrono kjishko ga tjawa beno löng wopjlä. Ga
shäng bomi tjokshko ga e kjimtoromi ara li roy kurorwa, ga tjawa beno löng
wopjlä anmoyö e kjishko. Tjläno borwa kong ga tjawa imi woydë, ga pjäy löng
woydë ara iyado bor kjishko le. E kjishko ga tja beno wopjlä jek këgong.

8-9Kjibokwo ichoror jek bomi kong dënashkoshko ga pjäy ioror beno löng woydë
ara e go. E kjishko ga tja woydono ara bakoe. Gueniyo pjäy woydë ara eshko li
kjishko ga llëbo owa shäryëmi löng li, e owa jläe loromi, ga rayoromi pjir, woydara
Sbörë sorë li eni. Eni ga e beno bomi kong owa llëme. E kjishko ga eerishko ga tja
woydë ame, tja wopjlä shara. 10Shji llëbo owa shäryonoshko ga woyde ga shji ie
Sbörë ber löng woydë ara ba kjishko. Eni ga llëbo owa shäryëy löng li, e owa jläe
lëy, ga rayëy. Shäryoroy eni ga owa pjäng bi go li löya Sbörë ber drete. Shji döya
llëbo owa shäryëy löng li dbo dorko dwayo eni. Gueniyo nopga Sbö miydë llëm
wleniyo woydë li, e llëno llëme. Lëye shärye ba kong pjlä llëm, epga wolon erä.

11Pjäy iara Sbörë beno löng woydë ara li kjishko ga llëbo weno bomi kong
pjlä oblä obläe. Pjäy beno löng wotjlik beke. Pjäy jëk pjlo bek li pimi woydë ara
Sbö kong. Llëbo owa li kjishko ga pjäy iirkono ara, Sbö bangkjiroromi ara bakoe.

Ĺlgwemi ber bëy wĹo Ĺoromi. ĹĹëbo tjeng kës ëre kjĹshko ga ĩn ga pjăy ĹĹëbo owa shăryono ĹĹëme. ¹²Pjăy kjĹlara ĹĹëbo shăryono oblë kong owa. KjiĹbokwo toror bomi kongshko ga toror shăng ĹĹëbo owa shăryaga Ĺi wĹonggĹo dō ĹĹëm, oblë Ĺi kjimtokĹo dō ĹĹëm bakoe. Toror bomi kong, tjawa woyotjĹĹimi ara Ĺi miydëmi pjĹĹ Sbō bokso wĹo. ¹³ĹĹëbo uunkong shăryak beno pjĹĹ kuzong ga tjawa dbokjrono ara.

Ga Tito kjimtoromi ara, ga beno wopjĹĹë. E kjĹshko ga tjawa dbokjrono jek këgong. ¹⁴Dënashko ga tjĹĹkwo Ĺoror bomi kong kës Ĺi, e jĹĹë. Ga Tito jekdë bomi Ĺk ĹĹëm obishko ga tja krono ara ba kong bomi kjĹshko, ga ĩna öör ga eni jĹĹo bakoe. Tja beno wopjĹĹë e kjĹshko. ¹⁵Tito öötong bomi shwoy ga wĹokjroromi pjĹĹ, bangkjroromi ara. Eshko ga ĹĹëbo Ĺara bomi kong dō Ĺi koloromi pjire. E kjĹshko ga ĹĹëbo tjeng kës ëre woyotjĹĹiya ga pjăy woyde jek këgong. ¹⁶Miydër ga ĹĹëbo pjĹĹ Ĺi shăryomirë. Tja wopjĹĹë e kjĹshko.

Shji ĹĹëbo twë oblë kong

8 ¹Pjeyoga, Sbō wopjĹĹë Ĺi kjĹshko ga ba tjĹĹkwo kjrագaga Ĺöng Macedonia kjokyo Ĺi kjimtara ara. Ĺërwa woydë bomi kong, miydëmi wĹo. ²ĹĹëbo weno ba kong owa anmoyö ëmdë ga Ĺöng wopjĹĹë ĩyado. Ĺöng ĹĹëye ĹĹëm ëmdë ga ĹĹëbo twara Ĺok Sbō tjĹĹkwo kjrագaga oblë kong ara, Ĺöng ĹĹëbo ara wĹeni. ³Miydër pjĹĹ ga ĹĹëbo twara Ĺok ara eni, woydara eni kjĹshko. Ga ĹĹëbo twe ga pjĹĹ Ĺi twara pjir, ga twara e kjingsho bakoe. ⁴Rokara borwa kong jĹĹokoyo ga epga ichërwa ĹĹëbo twë Sbō tjĹĹkwo kjrագaga Ĺöng Jerusalën kjokyo Ĺi kong. Ba kong Ĺok ga ĹĹëbo twe oblë kong Ĺi, e tjwĹo ara. ⁵Băm go ga wotjĹĹik Ĺok ĹĹëye woyde TjĹapgarë shărye wĹo Ĺi, e shăryë Ĺë. Ga ĹĹëye Ĺororwa ba kong shărye wĹo Ĺi, e shăryara Ĺok eni, woydara Sbörë sorë Ĺi eni. ĹĹëbo shărye ara eni Ĺororwa ĹĹëme.

⁶Dënashko ga pjăy ichara Titorë dbur tōng, iche oblë kong wĹo. E kjĹshko ga Tito ichororwa jek bomi shwoy, pjăy kjimte ĹĹëbo pjĹĹ shăryoromi sira dënashko Ĺi shăryë äär jong ba dbo go wĹo. ⁷Pjăy ĹĹëbo kës Ĺi shăryë pjĹĹ anmoyö. Pjăy mär Sbō go pjĹĹ, Sbō tjĹĹkwo roy Ĺëmi pjĹĹ, pjăy kjok miydë ara, oblë kjimtëmi woydë jĹĹokoyo bakoe. Eni ga ĹĹëbo twozĹ oblë kong pjĹĹ eni bakoe.

⁸ShăryozĹ eni Ĺotë bomi kong ĹĹëme. Sbō tjĹĹkwo kjrագaga oblë omshăryono sorë Ĺi Ĺotë bomi kong, oblë woydëmi jĹĹokoyo baĹya dik wĹo. ⁹Miydëmi pjĹĹ ga TjĹapga Jesucristo wopjĹĹë Ĺi kjĹshko ga ĹĹëbo uunkong baĹya ëmdë ga e rayara beno, opyono beno shăng song bomi kjĹshko, pjăy ber Ĺöng ĹĹëbo ara ba kjĹshko wĹo.

¹⁰Eeri ga öötong Ĺu pjĹlara ga nopga wotjĹĹino ĹĹëbo twë oblë kong bām go Ĺi pjăy, ga ĹĹëbo tworomi eni eshko. E kjĹshko ga ĹĹëbo shăryëmi obi ga pjĹĹë Ĺër bomi kong. ¹¹Eshko ga ĹĹëbo woyotjĹĹinomi, shăryoromi Ĺöng wopjĹĹë. Eerishko ga shăryozĹ eni äär jong ba dbo go bakoe. Pjăy kjĹlara kjĹlara, ĹĹëbo twozĹ, äär bue kjone ga eshko. ¹²Ëye ĹĹëbo twë woydë oblë kong ga Sbō wopjĹĹë ba tjok, ĹĹëbo twe ga bue Ĺi sira dō gueniyo. Shji iche Sbörë ĹĹëbo bishĹya ĹĹëm Ĺi twë oblë kong ĹĹëme.

¹³⁻¹⁴Pjăy ichër shăng ĹĹëbo twë oblë kong, pjăy ber Ĺöng song guing ĹĹëme. Eerishko ga pjăy ĹĹëbo ara kjĹshko ga epga kjimtëmi ga pjĹĹë. ĹĹono ga pjăy

llëye dret ga pjây kjimte lõk ga pjłú, eshko ga epga llëbo ara kjışhko. Eni ga uunkong llëbo tjok iyado, ¹⁵tak pjang Sbõ tjłõkwo go sorë li eni. Tjłë ga «Ëye dli tõno bayo ara ga e beno obi llëm, ëye omtõno chira ga e beno bek bakoe.»

Tito ichara to jek Corinto kjokyo, pjeyoga do pjõk tjok

¹⁶Tito iara Sbõrë bomi woyotjłik ara, botoya dik. Tja wopjłú Sbõ tjok e kjışhko. ¹⁷Ichorwarë jek bomi ik llëm obishko ga jek woydë bomi ik le shäng tjän. Eni ga ichororwashko ga jölö le shäng wopjłú. ¹⁸Bi kjłara ichërwa jek ba tjok, bomi ik. Era parkë Sbõ kong pjłú. E kjışhko ga Sbõ tjłõkwo kragaga lõng kës li wopjłú ba tjok. ¹⁹E kjrara Sbõ tjłõkwo kragaga lõng lirë jek borwa tjok Jerusalén kjokyo wlo. Eshko ga llëbo tõng tjeng twërwa ba kong wlo li sörwa jek ba kong. Woydërwa ga llëbo li kjreshko ga Tjłapga poshrëya lõk ara, ga miyde lõk ga epga kjimtëy woydë ara bakoe. ²⁰Shäryërwa eni, tjawa lëba owa, dbur ara tõnwa lõng li kjışhko llëm wlo. ²¹Tjawa drön ara, llëbo shäryërwa ber bek Sbõ bokso wlo dö llëm, shäryërwa ber bek nopga bokso wlo bakoe.

²²Bi kjłara ichërwa jek ba tjok obi. Era pak shäryono Sbõ kong oblë oblë, ga inwa ga parkë woydë jłõkoyo. Miyde ga oblë kjimtëmi woydë ara kuzong ga jek woydë bomi ik bakoe. ²³Tito, era bor yorkaga, parkë shäng bor tjok, ber pjłú bomi kong wlo. Pjeyoga do pjõk obi lıra ichaga Sbõ tjłõkwo kragaga lõng lirë, Cristo iëba ber kësband, tjwłõ ara ba kjışhko wlo. ²⁴Domerga mya li woydozi jłõkoyo, pjây laywororwa pjłú li, e eni jłõe le Sbõ tjłõkwo kragaga lõng kës lirë wlo.

Shji llëbo twë oblë kong sorë

9 ¹Tjłõkwo tër bomi kong, dbur tõmi lõng bi pjeyoga kong li kjışhko llëm ga pjłú. ²Miydër ga oblë kjimtëmi woydë jłõkoyo. Tja krono ara Macedonia sogga kong bomi kjışhko. Tja tjłë ba kong ga «Eeri ga öõtong lu pjłara ga Acaya sogga wotjłino llëbo twë oblë kong» lër eni. Kuya lõk ga kjone kjone wotjłino lõng eni bakoe. ³Gueniyo bi pjeyoga ichër jek äär bomi shwoy, pjây kjimte dbur tõng wlo. Eni ga tja äär eshkoshko ga pjây poshäryono lõng pjir tjän, pjây layworor sorë li eni. ⁴Macedonia sogga jek bor tjok, ga pjây włëya lõk lõng włëp włeni ga tjawa ber lõng lõkshko, pjây laywororwa pjłú kjışhko. Eni włeni ga pjây ber lõng lõkshko bakoe. ⁵Shäryë eni llëm wlo ga rokoror bi pjeyoga kong ga jek bomi ik bäm go, pjây kjimte dbur twëmi li tõng, loromi jłõkoyo sorë li eni. Shäryoromi eni pjir ga tjawa äärshko ga dbur tõnomi tjeng pjir li twëmi om go borwa kong ga pjłú, pjây ichaga ërë llëme.

⁶Oba tjłë ga «Ëye dwla dgono ara ga bo kjrë ara. Ëye dwla dgono chira ga bo kjrë chira bakoe» lëba eni iyado. Tjłõkwo ëre woyoshroziä. ⁷Woyde ga pjây kjłara kjłara llëbo twë, woyotjłimi bomi pjłúshko sorë li eni. Gueniyo shäryëmi, woydëmi llëm włeni llëm, pjây ichëba kjışhko llëm bakoe. Ëye llëbo twë wopjłú ga woyde Sbõrë arae. ⁸Sbõ wopjłú li kjışhko ga pjây kjimte llë pogo go

ga pjǎ́, ǎ́ye pjir bomi kong ǎ́m wǎ́. Ga ǎ́bo twe bomi kong e kjinmo, oblě kjimtěmi e go ga pjǎ́ wǎ́, ⁹tak pjang ba tjǎ́kwo go sorě ǎ́ eni. Tjǎ́ ga

«Nopga ǎ́ng song ǎ́ kjimte,

kong ǎ́bo twe ara.

ǎ́bo pjǎ́ shǎ́yara ǎ́,

e ber ǎ́yado wǎ́.»

¹⁰Dwǎ́ dguěy wǎ́ ǎ́, e twaga Sbǎ́rě bi kong. Dǎ́ uěy wǎ́ ǎ́, e twaga erě bakoe. Ga pjǎ́ kong ǎ́bo twe ara, oblě kjimtěmi ga pjǎ́ wǎ́, ǎ́bo pjǎ́ wen ara ba kǎ́shko wǎ́. ¹¹Eni ga pjǎ́ kong ǎ́bo twe oblě oblě ara, oblě kjimtěmi wopǎ́ǎ́ ǎ́yado wǎ́. Eshko ga ǎ́bo twěmi ǎ́ kjre bi pjeyogarěshko ga epga ber ǎ́ng wopǎ́ǎ́ Sbǎ́ tjok ba kǎ́shko. ¹²Kjimtoromi enishko ga ǎ́ye woyde ǎ́ ber ba kong. Gueniyo erǎ́ ǎ́me. Nopga ara ber ǎ́ng wopǎ́ǎ́ Sbǎ́ tjok bakoe. ¹³Kjimtoromi enishko ga miyde nopgarě e go ga pjǎ́ mǎ́r Cristo go ǎ́koyo, ga Sbǎ́ poshrěya ǎ́k e kǎ́shko. Cristo roy pjǎ́ ǎ́ kjroromi. Ga oblě kjimtoromishko ga Cristo kǎ́loromi bakoe. ¹⁴Eshko ga Sbǎ́ wopǎ́ǎ́ ǎ́ kǎ́shko ga epga kjimtara ara bomi kǎ́shko. E kǎ́shko ga ber ǎ́ng syǎ́stě Sbǎ́ kong bomi kǎ́shko wopǎ́ǎ́. ¹⁵ǎ́bo shǎ́yara Sbǎ́rě bi kong kěsbang anmoyǎ́. ǎ́y ga tjǎ́kwoyo drete. Shji wopǎ́ǎ́ ba tjok e kǎ́shko.

Pablo ǎ́ano, e parkě sorě ǎ́ kǎ́shko

10 ¹Pjǎ́ kjone kjone tjǎ́ ga tja shǎ́ng bomi tjokshko ga tja tjǎ́ bomi kong yǎ́tso, pjǎ́ bangkjǎ́rě ara wǎ́ni, ga tja shǎ́ng pjola ga tja tjǎ́ bomi kong kǎ́ng, pjǎ́ bangkjǎ́rě ǎ́m wǎ́ni ǎ́mi eni. E kǎ́shko ga tja Pablo, pjǎ́ kong ǎ́bo ǎ́r woydě sira yǎ́tso, wopǎ́ǎ́, Cristo tjǎ́no sorě ga eni. ²Pjǎ́ kjone kjone wotǎ́ǎ́ ga tjawa ǎ́k ǎ́ng nopga Sbǎ́ miydě ǎ́m wǎ́niyo dik ǎ́mi. E kǎ́shko ga tja ǎ́rshko ga ǎ́ye wotǎ́ǎ́ eni ga wǎ́n ǎ́koyo kǎ́luwe. Rokě bomi kong ga tja ǎ́mi bomi wǎ́ng eni ǎ́me. ³Tjawa ǎ́ng kjok ǎ́re kǎ́ng go, gueniyo tjawa ǎ́ngkjwě nopga kjok ǎ́re so dik ǎ́me. ⁴Tjawa ǎ́ngkjwě ǎ́bo tjeng kjok ǎ́re kǎ́ng go go ǎ́me. Tjawa kong kjok miydě twe Sbǎ́rě, ǎ́bo owa dbo ara wǎ́niyo ǎ́ zanwa pjir e go wǎ́. ⁵Nopga wotǎ́ǎ́ oblě oblě, shji ie ber ǎ́ng Sbǎ́ tjǎ́kwo miydě ǎ́m wǎ́ ǎ́ ǎ́ zanwa pjir Sbǎ́ kjok miydě ǎ́ go. Nopga pinwa wotǎ́ǎ́ oblě, ber ǎ́ng Cristo kolě wǎ́ shara. ⁶ǎ́wa ga pjǎ́ beno ǎ́ng Cristo kolě pjǎ́shko ga ǎ́ye beno Cristo tjǎ́kwo ǎ́ kolě ǎ́m ga shdunwa eshko.

⁷Pjǎ́ ǎ́bo ǎ́gwek, ǎ́bo ǎ́gǎ́mi wěǎ́ ǎ́ go erǎ́. Kjone kjone tjǎ́ ga «Cristo nopga ǎ́ tjawa erǎ́» ǎ́. Gueniyo tjawa Cristo ǎ́ bakoe. Woydě ga e miyde ǎ́k pjǎ́. ⁸Tja kong dbo twara Sbǎ́rě, pjǎ́ ichě wǎ́. Tja krě ba kǎ́shko ara kǎ́we ga e ǎ́kyokǎ́rě ǎ́me. Tja iara beno shǎ́ng bomi kjimtaga, pjǎ́ opping mǎ́r ba go ǎ́koyo wǎ́, pjǎ́ dir wǎ́ ǎ́me. ⁹Kjibokwo ichoror bomi kong kjwobi ǎ́ ichoror jek bomi shgawokǎ́ wǎ́ ǎ́me. ¹⁰No kjone kjone tjǎ́ ga tja tjǎ́ kǎ́ng anmoyǎ́ bor kjibokwo go, gueniyo tja shǎ́ng bomi tjokshko ga tja tjǎ́ ma, tjǎ́kwo ǎ́r ǎ́ ǎ́no ǎ́m wǎ́ni ǎ́. ¹¹ǎ́ye tjǎ́ eni ga woyde ga ǎ́ng sjěke. Tjawa ǎ́ng pjola ga tjawa tjǎ́no ba kong borwa tjǎ́kwo go sorě ga tjawa ǎ́r ǎ́ng ba tjokshko ga tjawa tjǎ́ ba kong eni bakoe.

¹²No kjone kjone opposhrék om go äe. Tjawa tjwłö ara baıya dik lërwa llême. Gueniyo llêbo shärye lok kä llêm wleni, optjlik lok ba tjlikklo shäryara om go li go, ga eng tjlik eni eng tjok bakoe. ¹³Tjawara opposhrék om go llême. Tjawa krë, pak twara Sbörë borwa kong li kjishko eröe. Ga tjawa öör Corinto kjokyo li ichaga erë. ¹⁴Tjawa öör bomi ik llêm kjwe ga tjawa krë bomi kjishko ga äe. Gueniyo tjawa öör Cristo roy pjlı lë bomi kong kuzong ga tjawa krë, pak shäryororwa bomi tjok li kjishko ga llêbo owa shäryërwa löng llême.

¹⁵Tjawa krë, pak shäryara oblërë li kjishko llêm bakoe. Woydërwa ga pjäy mär Cristo go jek këgong këgongshko ga tjawa parkë bomi tjok jek këgong këgong eni bakoe. ¹⁶Eni ga tjawa äär Sbö tjłökwö roy pjlı lë kjok shto oblë oblë, pjäy löng lishko jek këgong obi, ëye äätë llêm obishko. Pak shäryara oblërë lishko ga tjawa krë woydë pak shäryororwa eshko li kjishko llême. ¹⁷Gueniyo ga «Ëye krë woydë ga krë Tjlapga kjishko dey.» ¹⁸Shji ber pjlı wlo ga woyde ga shji poshrëga ber Tjlapgarë. Shji opposhrék om go ga llëno llême. Ëye opposhrék om go ga ber pjlı llême. Ëye poshrëga Tjlapgarë ga era ber pjlı jlöe. Nopga ber tjwłö ara wlo ga opposhrék om go llêm, e poshrëga ber Tjlapgarë dey.

**No kjone kjone tjłë ga «Tja Sbö tjłökwö roy łaga Jesús äska» łe,
miga jyö erä**

11 ¹Tjłökwö lër shäng bomi kong li kuzi jek obi, kumi ga tja tjłë kä llêm wleni gueniyo. ²Pjäy ymoyotkër ara, pjäy ymoyotke Sbörë sorë ga eni. Kjogłö domer miydoydë llêm obi wleniyo twëba domer kjłara kong, orkwosmok ba tjok włoshko ga kjogłö li ber baıya eröe. Pjäy twër woydë Cristo kong eni bakoe. ³Dënashko ga Eva jyäpgwara dgur lirë. Ga bangkjrër ga pjäy jyäpgwëba eni bako, pjäy mär ber löng Cristo go jlökoyo ame wlo lër. ⁴Ołö ga no äär bomi shwoy ga tjłökwö lë bomi kong owa wleni. Jesús roy oblë lë bomi kong, lororwa bomi kong sorë li dik llême. Sëya oblë twe woydë bomi kong lë. Tjłökwö oblë lë bomi kong bakoe. Eshko ga tjłökwö li kjrëmi woydë jekdo, gueniyo tjłökwö kjrëmi llêm dey. ⁵Epga wotjlik ga Sbö tjłökwö roy łaga Jesús äska tjwłö arayo li epga om go lë. Gueniyo lër bomi kong ga tjwłö ara bor kjinmo llême. ⁶Miydër ga tja oppino tjłë pjlı wlo llême. Gueniyo tja kjok miydë ara. E ĩnomi llêbo shäryororwa oblë oblë li go.

⁷Sbö tjłökwö roy pjlı loror bomi kong, gueniyo tjwłö shiror llême. ¿Tja opyono beno tjwłö ara llêm, pjäy iër ber löng tjwłö ara wlo eni li, e llêbo owa shäryotë lëmire? ⁸Tja parkë shäng bomi tjokshko ga tja potjwłëga Sbö tjłökwö kragaga löng kjok shto oblë lirë. ⁹Tja shäng bomi tjokshko ga tja llëye dretshko ga ëye barworor llêm, bi pjeyoga Macedonia so öör bor shwoy, ga llëye woydoror li twara lok bor kong. Eni ga llëye rokoror bomi kong llêm, ga rokër bomi kong llêm iyado. ¹⁰Cristo tjłökwö bek li miydër pjłue. Miydëmi löng pjlı ga e jlöe. Ga tja krë tjłökwö shiror llêm li kjishko Acaya kjokyo kjok kjwang jikong, tja slongga erë llême. E jlö eni bakoe. ¹¹Tja tjłë eni, pjäy woydër llêm kjishko lëmi llême. Miyde Sbörë ga pjäy woydër ara.

¹²No kjone kjone tjëlë ga pak shärye löng li tjwölö ara, pak shäryërwa löng li dik lê. E kjîshko ga llëye shäryër shäng li shäryër shäng iyado eni, epga krë eni ga ä wlo. ¹³Epga opkjlopstwë ber löng so Sbö tjölökwö roy läga Jesús äska kjoyo, miga jyö erä. To löng jyörkë erä. Ikoba ga parkë löng Cristo kong wleni, miga jyörkokdo löng. ¹⁴Gueniyo ga pjäy opshgawë ba kjîshko llëme. Ä om go li opkjlopstwë ber shäng so Sbö parkaga kjok dogo so kälä lletllet kjoyo eni bakoe. ¹⁵Eni ga ba parkagaga opkjlopstwë ber löng so Sbö parkagaga pjlo bek wleniyo kjoyo eni bakoe. Shji opshgawë e kjîshko llëme. Llono ga epga shdüya Sbörë, llëbo shäryara kës li kjîshko.

Pablo krono, llëbo weno ba kong owa li kjîshko

¹⁶Llëbo lër bomi kong obi, gueniyo tja kä llëme lëmi llëme. Gueniyo woyotjlîmi eni wleni ga tja iozi ber shäng tjëlë kä llëm wleni, tja krë sira obi wlo. ¹⁷Miydër ga tja krë eni ga tja tjëlë shäng kä llëm wleni, tja tjëlë shäng Tjlapga Jesús dik llëme. ¹⁸Nopga ara krë eni, nopga Sbö miydë llëm wleniyo dik. Eni kuzong ga tja krë eni bakoe. ¹⁹Pjäy kjok miydë ara lëmi, gueniyo llëye lê nopga kä llëm wleniyorë li kumi kjing erä. ²⁰Pjäy ichëba parkë, bomi llëbo dökoba, pjäy jyäpgwëba, oba opyë löng bomi bäm go, pjäy wlongoba, pjäy bokso shpokoba bakoe. Llëbo shäryë enishko ga kumi löng kjing erä. ²¹Tjawara opshäryono bomi tjok kjang eni llëme. Pjäy shdunorwa eni llëm kuzong ga pjäy wotjîlk ga tjawa lökkjërë wlo lëmire?

Oblë krë llë kjîshko ga tja krë e kjîshko bako, tja tjëlë kä llëm wleni gueniyo. ²²Epga hebreoga lê, ga tja bakoe. Epga Israel tjëyoga lê, ga tja bakoe. Epga Abraham tjëyoga lê, ga tja bakoe. ²³Epga Cristo parkaga lê, ga tja ba parkaga jlökoyo. (Tja tjëlë eni ga tja skwë wleni.) Tja parkono ara, ba kjinmo lök. Tja iaraba shäng kjërshko pjloglo ara, ba kjinmo lök. Tja shporaba no shpokklo go dbo ara, ba kjinmo lök. Tja zrökoba woydë lëba ara. ²⁴Tja shpora judiogarë no shpokklo go pjloglo shkëng (5) dbaryo oblë oblëe. Pjlara pjlara ga tja shpora öötong pjloglo sak mya kjingsho shkaw (39). ²⁵Tja shporaba kjor go pjloglo mya, dbaryo oblë oblëe. Pjlara ga tja löraba ak go, tja zrökoba wlo lëba. Tja jek sök kjong kësbang roshko ga tja piktong pjloglo mya, dbaryo oblë oblëe. Tja beno buk dlung roshko shkër kjwara, dbar kjwara, tja shteno seke. ²⁶Tja jëktong ara kjok shto oblë oblë. Tja jëktong shäng shto owashko ara. Tja di këskes zono ara. Tja jëktong shäng lügwang löngshko. Tja zröya woydë bor nopgarë. Tja zröya woydë nopga judio llëm wleniyorë bakoe. Tja tjölökwö löno nopga arashko ga tja zrökoba woydë. Tja tjölökwö löno nopga ara llëmshko ga tja zrökoba woydë bakoe. Tja sök dlung kjing goshko ga tja wolono seke. No kjone kjone Sbö tjölökwö kjraga lê, miga jyö. Epga ëmdë ga tja zröya lök woydë. ²⁷Tja dröno shäng ara pak kjang shäryë. Tja pono llëm shkër kjwöböso. Tja pjli kuno ara, tja wodogro kuno ara, tja iono llëm dbar kop ara bakoe. Olö ga tja smo kuno, tja shwong dret kjîshko. ²⁸Tja song, llëbo tjeng kës ëre kjîshko, gueniyo erö llëme. Tja woydë ara, Sbö tjölökwö kjrägaga löng kjok shto oblë oblë li kjîshko iyado. ²⁹Roy kuror ga nopga dbo llëm ga tja woydë ara ba kjîshko. Roy kuror ga nopga ichëba llëbo owa shäryë ga tja iirkë ara eshko.

³⁰Woyde ga tja krë sira obi, gueniyo tja krë Ìlëbo kjîshko, tja dbo ara Ìlëm miydëmi wîo. ³¹Tjîlapga Jesús Sbô, ba Data li poshrëkko iyado wîo. Era ommyidë ga tja jyörkë Ìlëme. ³²Pjîlara ga tja shäng Damasco kjokyo. Eshko ga kjok eshko so ichaga li parkë sök Pjîlu Aretas kong. Ga kjok eshko so ichaga li nopga ichono kjok li u bäng bäng no opshikkîo dë, tja shaya lok wîo. ³³Gueniyo tja Ìonaba jer shing roshko, kjok li kjëryo pogîo go pjîor kalëkong. Tja dôktong ba wîoshko dwayo eni.

Ìlëbo pina Sbörë Pablo kong, shji yoîno wîeni

12 ¹Tja krë ga Ìlëye shir e go Ìlëme. Eni ëmdë ga tja krë obi kjîluwe. Ìlëye pina Tjîlapga Jesúsdë bor kong shji yoîno wîeni li, e Ìër bomi kong shara. ²⁻³Domër shäng kjîlara, Cristo tjîlôkwo kjraga wîeniyo. Eeri ga öötong lu pjîlogîo sak kjwara kjingsho pkëng (14) ga e söra Sbörë jem öötong sök kjok dogo buk kjókshko anmoyô Ìishko. Ba doyo söydere, de ba sëya döre, e miydër Ìlëme. Sböra ommyidë. Ga miydër ga ⁴söra öötong shäng kjok ko Paraíso Ìishko. Eshko ga tjîlôkwo kura, Ìako nopga löng kjok ëre kjing go kong Ìlëm wîeniyo. ⁵Tja krë ara domër Ìër shäng li kjîshko ga pjîlú, gueniyo tja krë bor kjîshko om goshko ga tja krë Ìlëbo kjîshko, tja dbo ara Ìlëm miydëmi wîo eröe. ⁶Gueniyo tja krë Ìlëbo weno bor kong li kjîshko kjwe ga tja tjîë shäng bomi kong kâ Ìlëm wîeni Ìlëm, tjîlôkwo Ìër shäng li bek kjîshko. Gueniyo tja krono eni kjwe ga tja tjwîô ara Ìëmi, Ìlëbo Ìoror bor kjîshko li kjîshko eröe. Woydër ga tja tjwîô ara Ìëmi, Ìlëbo shäryoror, Ìlëbo Ìoror bomi tjîrëko li kjîshko. E kjîshko ga tja krë eni Ìlëme. ⁷Gueniyo tja opposhrëk om go, Ìlëbo pina Sbörë bor kong li kjîshko Ìlëm wîo ga Ìlëbo weno owa bor doyo ëre go, ichaga Ärë wîeni, beno bor barwokîo iyadoe. ⁸Tja kjîloshtono Tjîlapga kong pjîlogîo mya, Ìlëbo owa li döya bor kong wîo. ⁹Kuya ga tjîë bor kong ga «Pja woydër ara. Era tjwîô ara. Gueniyo pja poptër Ìlëm, pja dbo ara Ìlëm wîo. Miydëp e go ga dbo twaga bop kong li tja» Ìë bor kong eni. E kjîshko ga tja krë ara, tja dbo ara Ìlëm li kjîshko, dbo twe Cristorë bor kong wîo. ¹⁰Eni ga tja wopjîlú, tja dbo ara Ìlëm kjîshko. Tja parkë Cristo kong kjîshko ga Ìlëbo wen owa bor kong ara, tja Ìäywëba owa, tja shdungoba bakoe. Gueniyo tja dbo ameshko ga tja dbo ara anmoyô. E kjîshko ga Ìlëbo wen owa bor kongshko ga tja wopjîlúe.

Corinto sopga woyotjîîna Pablörë ara

¹¹Tja tjîëno shäng kâ Ìlëm wîeni, tja ichaga pjâyde ba shäryë kjîshko. No kjone kjone wotjîîk ga Sbô tjîlôkwo roy Ìaga Jesús äska tjwîô arayo li epga Ìë. Gueniyo tjara tjwîô ara ba kjinmo lok, tja tjwîô Ìlëm gueniyo. Tja Ìäywara lok owashko ga kuromi kjing erä. Zok ga tja wîikoromi kjwe. ¹²Ëye Sbô tjîlôkwo roy Ìaga Jesús äska ga Ìlëbo iydeba Ìlëm wîeniyo shäryë kësbang oblë oblë ara. Miydeba e go ga e Sbô tjîlôkwo roy Ìaga Jesús äska jîöe. Ga tja shäng bomi tjokshko ga tja omshäryono eni, Ìlëbo weno bor kong owa ara gueniyo. ¹³Ìlëbo shäryoror bomi tjok kës li shäryoror Sbô tjîlôkwo kjrägaga löng kjok shto oblë oblë li tjok sorë ga eni. Ìlëbo oblë shäryoror bomi tjok

kjrinaso, pjây ichoror bor potjwëk llême. Pjây ioror beno tjwëlo oblê li dorko e kjîshko lêmi wleni ga llêbo owa shâryoror êre iozî ber tjwëlo llêm bor kong.

¹⁴Tja wotjîlik jek bomi ik pjâra obi. Êre tjok ga pjîloglo mya. Gueniyo tja to shâng bomi ik, bomi llêbo woydêr kjîshko llême. Llêbo woydêr li pjây. E kjîshko ga llêbo rokêr bomi kong sira llême. Bek wlo ga wapga, e dbur tâng ba dataga kong llêm, dataga, e dbur tâng ba wapga kong dey. ¹⁵E kjîshko ga llêbo botoya zan wopjîlú bomi kjîshko, tja opzang shâng om go wopjîlú bomi kjîshko bakoe. ¿Pjây woydêr ara eni ga tja woydêmi sira eräre? ¹⁶Miydêmi pjîlú ga tja shâng bomi tjokshko ga pjây kong llêbo rokoror sira llême. Eni êmdê ga no kjone kjone wotjîlik ga pjây jyâpgworor e go lê. ¹⁷Nopga ichoror bomi kong kjîöbö. ¿Pjây wotjîlik ga ichoror, llêbo rokê bomi kong wlo lêmire? Eni llême. ¹⁸Tito ichoror jek bomi shwoy bi kjîlara obi tjok. Miydêmi pjîlú ga pjây kong llêye rokara llême. Tjawa pjöyîkong wotjîlik kjrinaso, llêbo shâryêrwa oblê oblê llême.

¹⁹¿Pjây wotjîlik ga tjawa tjêlê eni, pjây ber wopjîlú borwa tjok wlo lêmire? Eni llême. Tjawa tîno beno tjeng Cristo tjok, ga tjawa tjêlê löng Sbö bokso. Pjeyoga, llêbo shâryêrwa kês li shâryêrwa, pjây mär Cristo go jek këgong wlo. ²⁰Bangkjrêr li tja äär bomi shwoyshko ga pjây wlen löng woydêr dik llêm, ga tjawa îmi löng woydêmi dik llêm bakoe. Bangkjrêr li pjây wlen löng llêbo owa shâryê oblê oblê, pjây ênglê kar kar, pjây ymo ara êng tjok, pjây iirkê êng tjok, pjây tön dboy dboy, oblê läywêmi owa, oblê läywêmi ara, pjây krê ara, pjây wlep êng tjok llêm bakoe. Pjây wlen woydê löng eni llême. ²¹Dênashko ga pjây kjone kjone orkwosmono ê tjok llêm ga pjây pono ba tjok, ga llêbo shâryako llêm li shâryoromi oblê oblê bakoe. Bangkjrêr li tja äär bomi shwoyshko ga pjây wlen löng llêbo owa eni li shâryê obi. Eni wleni ga tja slar ara, ga tja ie Sbörê ber lökshko bomi kjîshko bakoe.

Nopga poshduna Pablörê

13 ¹Pjây îni jek êre tjok ga pjîloglo mya. Êye oblê rotêshko ga laga nopga pjökde, myarerê llêm ga tjîlökwo kjrêy llême. ²Dênashko ga tja öör bomi ik pjâra. Tja jek öör bomi ik obishko ga pjây löng llêbo owa shâryê, pjây poshdunor pjire. Eerishko ga pjây uunkong poshdun jek eni obi. Tja jek äär bomi ik obi ga pjây wlen löng llêbo owa li shâryê obi wleni ga pjây songe lër ame. ³Woydêmi ga llêbo shâryêr bomi kong, Cristo tjêlê bor kjîshko miydêmi wêlê wlo îloromi bor kong. Eni ga eshko ga tja tjêlê bomi kong yôtso ame, tja tjêlê bomi kong dbo ara go shara. Shji shdûya Cristorêshko ga tjêlê bi kong yôtso llêm, tjêlê dbo ara go erä. ⁴Zröraba pjang kjîös goshko ga dbo llêm wleni, gueniyo iara Sbörê beno sök së, ba dbo ara go. Tjawara dbo llêm baîya dik bakoe. Gueniyo tjawa iara Sbörê beno löng së, ba dbo ara go, tjawa parkê ber löng bomi kong wlo.

⁵Pjây opmiydos om go, pjây mär löng Cristo Jesús go jîlökoyore miydêmi wlo. Îmi ga Cristo shâng bomi tjok llêm wleni ga miydêmi e go ga pjây mär löng ba go llême. ⁶Woydêr ga miydêmi ga Cristo shâng borwa tjok, ga tjawa

mär löng ba go jǎokoyo. ⁷Rokërwa Sbö kong ga pjäy kjimte llëbo owa shäryë llëm wlo. Rokërwa eni, tjawa ikoba pjǎú wlo llëme. Rokërwa eni, pjäy jëk löng pjlo bek wlo, tjawa ikoba owa gueniyo. ⁸Llëbo shäryërwa löng kës li shäryërwa, tjǎokwo bek li ber kësbang, tjwlo ara wlo. Tjawa löng tjǎokwo bek li wloyoga llëme. ⁹Pjäy mär löng Cristo go jǎokoyoshko ga tjawa wopjǎú, tjawa ikoba ga dbo llëm wleni gueniyo. Rokërwa Sbö kong iyado ga pjäy ie jëk löng pjlo bek. ¹⁰Tjǎokwo ëre tër, ichër jek bomi kong bäm go, tja äär bomi shwoyshko ga tja tjǎë bomi kong kjang llëm wlo. Tja iara Sbörë beno shäng bomi kjimtaga, pjäy opping mär ba go jǎokoyo wlo, pjäy dir wlo llëme.

Kjibokwo pjirzlong

¹¹Era eni ga pjeyoga, pjäy ber löng wopjǎú, pjäy jëk pjlo bek, pjäy poshdunor li kolozi, pjäy wotjǎis kjrinaso, pjäy ber löng wopjǎú ëng tjok bakoe. Shäryëmi eni ga pjäy kjimte Sbörë ber löng ëng woydë ara kar kar, pjäy kjimte ber löng wopjǎú ëng tjok bakoe.

¹²Pjäy ëng woydë ara kar kar kuzong ga «¿Yonde?» lëmi ëng kong wopjǎúe.

Bi pjeyoga uunkong löng bor tjok li, «¿Pjäy yonde?» le bomi kong.

¹³Rokër Tjǎlapga Jesucristo kong ga ba wopjǎú li kjishko ga pjäy kjimte ara. Rokër Sbö kong ga pjäy woyde. Rokër Sbö Sëya kong ga pjäy ie ber löng wopjǎú ëng tjok bakoe.